



## **PEKELILING AM KERAJAAN JOHOR BILANGAN 1 TAHUN 2016**

### **PROTOKOL BENDERA JOHOR DAN BENDERA DAERAH-DAERAH JOHOR**

#### **1. TUJUAN**

- 1.1 Pekeliling ini bertujuan menetapkan garis panduan serta memberi kefahaman tentang protokol dan etika pengibaran bendera kepada kerajaan dan orang awam. Peraturan ini juga diharap akan membantu meningkatkan semangat patriotik rakyat serta memperkasa kedaulatan Negeri Johor

#### **2. LATAR BELAKANG**

- 2.1 Bersempena dengan Hari Kemahkotaan Duli Yang Maha Mulia Sultan Ibrahim Ibni Almarhum Sultan Iskandar, Sultan Yang Dipertuan Bagi Negeri dan Jajahan Takluk Johor Darul Ta'zim pada 23 Mac 2015, daerah-daerah di Negeri Johor telah diperkenankan untuk diwujudkan bendera-bendera daerah.
- 2.2 Kerajaan Negeri dalam tindakan mengemukakan permohonan perwartaan dalam Warta Kerajaan Negeri bagi setiap bendera daerah bagi maksud penyeragaman dan pentaulihan di peringkat Negeri dan juga Persekutuan.

2.3 Berikut adalah susunan kekananan bagi daerah-daerah di Negeri Johor sebagaimana dalam Enakmen Cogan dan Bendera Negeri 1921, dimana aturan ini termaktub kepada kedudukan Pegawai-pejawai Daerah dalam susunan kekananan dalam majlis rasmi Kerajaan dan juga kekananan bendera dan gegantungnya. Dikemukakan bersekali lukisan grafik bendera dan gegantung sebagaimana Lampiran.

Bil	Daerah	Bendera	Gegantung	Lukisan Grafik
2.3.1	Johor	 The flag of Johor consists of two horizontal stripes: red on top and blue on the bottom. A white crescent and five-pointed star are positioned in the center of the blue stripe.	 The bunting of Johor is a vertical rectangle divided into three horizontal bands: red at the top, blue in the middle, and white at the bottom. It features a white crescent and five-pointed star on the red band.	Lampiran A1
2.3.2	Batu Pahat	 The flag of Batu Pahat is a black rectangle with a white crescent and five-pointed star in the center. The flag is tilted slightly to the left.	 The bunting of Batu Pahat is a vertical rectangle divided into three horizontal bands: black at the top, red in the middle, and black at the bottom. It features a white crescent and five-pointed star on the red band.	Lampiran A2
2.3.3	Muar	 The flag of Muar is a horizontal rectangle divided into four equal quadrants. The top-left quadrant is red with a white crescent and star, the top-right is black, the bottom-left is black, and the bottom-right is yellow.	 The bunting of Muar is a vertical rectangle divided into four horizontal bands: red at the top, black in the middle, yellow at the bottom, and black at the very bottom. It features a white crescent and five-pointed star on the red band.	Lampiran A3

2.3.4	Segamat			Lampiran A4
2.3.5	Johor Bahru			Lampiran A5
2.3.6	Kluang			Lampiran A6
2.3.7	Pontian			Lampiran A7
2.3.8	Kota Tinggi			Lampiran A8

2.3.9	Mersing			Lampiran A9
2.3.10	Kulai			Lampiran A10
2.3.11	Tangkak			Lampiran A11

- 2.4 Peraturan ini dikeluarkan bagi menjunjung titah Duli Yang Maha Mulia Sultan Ibrahim Ibni Almarhum Sultan Iskandar, Sultan Yang Dipertuan Bagi Negeri dan Jajahan Takluk Negeri Johor Darul Ta'zim berkenaan protokol pengibaran Bendera Johor dan juga Bendera Daerah-daerah di Negeri Johor.

### **3. ISTILAH BENDERA DAN GEGANTUNG BENDERA.**

Bendera yang dimaksudkan dalam kertas ini terbahagi kepada tiga (3) kategori sebagaimana dalam jadual:-

<b>Bil</b>	<b>Jenis Bendera / Banner</b>	<b>Saiz / Dimensi</b>
3.1	Bendera Johor	<ul style="list-style-type: none"><li>i. Bendera berukuran standard 3 kaki (9.15sm) lebar dan 6 kaki (183sm) panjang.</li><li>ii. Bendera kecil berukuran 6 inci lebar dan 12 inci panjang.</li><li>iii. Gegantung bendera berukuran 12 kaki panjang dan 3 kaki lebar.</li></ul>
3.2	Jalur Gemilang	<ul style="list-style-type: none"><li>i. Bendera berukuran standard 3 kaki (9.15sm) lebar dan 6 kaki (183sm) panjang.</li><li>ii. Bendera kecil berukuran 6 inci lebar dan 12 inci panjang.</li><li>iii. Gegantung bendera berukuran 12 kaki panjang dan 3 kaki lebar.</li></ul>
3.3	Bendera Daerah	<ul style="list-style-type: none"><li>i. Bendera berukuran standard 3 kaki (9.15sm) lebar dan 6 kaki (183sm) panjang.</li><li>ii. Bendera kecil berukuran 6 inci lebar dan 12 inci panjang.</li><li>iii. Gegantung bendera berukuran 12 kaki panjang dan 3 kaki lebar.</li></ul>

#### **4. HARI KEBESARAN NEGERI JOHOR.**

Berikut adalah hari kebesaran Negeri Johor yang memerlukan keraian dari segi pemasangan bendera.

<b>Bil</b>	<b>Hari Kebesaran Negeri</b>
4.1	Hari Ulang Tahun Keputeraan DYMM Sultan Johor pada 23 Mac setiap tahun.;
4.2	Hari Kebangsaan pada 31 Ogos setiap tahun.;
4.3	Hari Malaysia pada 16 September setiap tahun.;
4.4	Hari Lawatan Rasmi DYMM Seri Paduka Baginda Yang Dipertuan Agong.;
4.5	Hari Lawatan Rasmi DYMM Raja-Raja Melayu.;
4.6	Hari Lawatan Rasmi Perdana Menteri Malaysia.;
4.7	Hari Lawatan Rasmi Ketua Negara Negara Asing.;
4.8	Hari Keberangkatan Rasmi DYMM Tuanku ke Daerah-daerah.; dan
4.9	Lain-lain Hari Kebesaran Yang Diperkenan oleh DYMM Tuanku.

**5. PEMASANGAN BENDERA NEGERI JOHOR, BENDERA JALUR GEMILANG DAN BENDERA DAERAH DI BANGUNAN.**

5.1 Arah pandangan pengibaran bendera adalah dari dalam bangunan berkenaan memandang keluar sebagaimana menjunjung titah Almarhum Sultan Iskandar pada tahun 1982.;

5.2 Susunan Bendera Mengikut Bilangan Tiang Bendera.


**5.2.1 Susunan Bendera Johor Bagi Dua (2) Tiang Bendera.**

- i. Susunan Bendera Johor bagi dua (2) tiang bendera adalah Bendera Negeri Johor dinaikkan mengikut Surat Pekeliling Kerajaan Johor Bil.(18) dlm SUKJ629/4-3 Jld.3 bertarikh 19.4.2010 iaitu disebelah kanan Jalur Gemilang.
- ii. Berikut adalah gambarajah aturan pengibaran Bendera Johor dan Bendera Jalur Gemilang di hadapan bangunan.




### **5.2.2 Susunan Bendera Johor Bagi Tiga (3) Tiang Bendera.**

- i. Susunan Bendera Johor bagi tiga (3) tiang bendera adalah, Bendera Johor di tengah dan disebelah kanannya adalah Jalur Gemilang manakala di sebelah kiri Bendera Johor dikibarkan bendera daerah.
- ii. Berikut adalah gambarajah aturan pengibaran Bendera Johor, Bendera Jalur Gemilang dan Bendera Daerah.



### **5.2.3 Susunan Bendera Johor Bagi Empat (4) Tiang Bendera.**

- i. Susunan Bendera Johor bagi empat (4) tiang bendera adalah, Bendera Johor di tengah dan disebelah kirinya adalah Jalur Gemilang. Kedua-dua Bendera Johor dan Jalur Gemilang diapit oleh bendera daerah di sebelah kanan dan di sebelah kiri dikibarkan bendera pertubuhan.



5.3 Peraturan pengibaran bendera sebagaimana Pekeliling Am Kerajaan Johor Bil.2/2013 masih digunakan sebagaimana berikut:-

- i. Tiang bendera hendaklah tidak kurang dari 20 kaki tinggi.
- ii. Tidak satu bahagian bendera boleh kena pada tanah dan pagar.;
- iii. Bendera dinaikkan dan diturunkan dengan hormat dan dikibarkan jam 6.00 pagi hingga jatuh matahari, melainkan jika ada lampu sorot.;
- iv. Bendera boleh dinaikkan terus menerus (overnight) sekiranya hari berikutnya adalah sebahagian Hari Kebesaran Negeri.;
- v. Pejabat Kerajaan hendaklah mengibar dan menurunkan bendera mengikut waktu pejabat.;
- vi. Sekolah-sekolah hendaklah mengibarkan bendera mengikut waktu mulanya kelas pertama dan menurunkannya selepas kelas terakhir tamat. ; dan
- vii. Bendera yang usang, berubah warna atau koyak hendaklah diganti baharu.


## **6. SUSUNAN BENDERA SEMASA HARI KEBESARAN NEGERI JOHOR.**

### **6.1 Hari Ulang Tahun Keputeraan DYMM Sultan Johor Dan Hari Keberangkatan Rasmi DYMM Tuanku Ke Daerah-Daerah.**

6.1.1 Bendera Johor dan bendera daerah dinaikkan seperti biasa di semua bangunan Kerajaan, swasta, komersil, sekolah dan kediaman sebagaimana di Perenggan 5.


6.1.2 Sekelompok empat (4) bendera kecil Bendera Johor sahaja menghiasi keliling tiang lampu elektrik di jalan protokol bersama gegantung Bendera Johor dan diikuti pula set bendera daerah dan gegantung bendera daerah untuk tiang berikutnya secara berselang seli.

6.1.3 Berikut adalah gambarajah susunan bendera dan gegantung Bendera Johor serta bendera daerah dan gegantungnya di tiang-tiang lampu di jalan protokol.




## 6.2 Lawatan Ketua Kerajaan Luar Negara.

- 6.2.1 Bendera Johor dan bendera daerah dinaikkan seperti biasa di semua bangunan Kerajaan, swasta, komersil, sekolah dan kediaman sebagaimana di Perenggan 5.
- 6.2.2 Tiga (3) bendera kecil Bendera Johor dan satu (1) bendera kecil asing yang berkaitan dipasang dalam satu kelompok empat (4) bendera tiang lampu di sepanjang laluan Ketua Kerajaan Negara Asing.;




6.2.3 Satu (1) gegantung bendera Negara Asing yang berkaitan dinaikkan selepas tiga (3) tiang lampu yang dinaikkan gegantung Bendera Johor di sepanjang laluan Ketua Kerajaan Negara Asing.;




**6.3 Sambutan Hari Kebangsaan, Hari Malaysia, Lawatan Rasmi Yang Dipertuan Agong, Lawatan Rasmi DYMM Raja-Raja Melayu, Lawatan Rasmi Perdana Menteri Malaysia atau Ketua Kerajaan Negara Asing.**

- 6.3.1 Bendera Johor dan bendera daerah dinaikkan seperti biasa di semua bangunan Kerajaan, swasta, komersil, sekolah dan kediaman sebagaimana di Perenggan 6.
- 6.3.2 Tiga (3) bendera kecil Bendera Johor dan satu (1) bendera kecil Jalur Gemilang yang dipasang dalam satu kelompok empat (4) bendera tiang lampu di jalan protokol.;



- 6.3.3 Satu (1) gegantung bendera Jalur Gemilang dinaikkan selepas tiga (3) tiang lampu yang dinaikkan gegantung Bendera Johor di sepanjang jalan protokol.;



## 7. JANGKA MASA MENGIBARKAN BENDERA.


- 7.1 Semua bendera yang dinaikkan dan dikibarkan untuk menyambut Hari Pemahkotaan DYMM Tuanku, Sambutan Hari Kebangsaan dan Hari Malaysia dinaikkan dua (2) minggu sebelum dan diturunkan dua (2) minggu selepas tarikh sambutan tersebut.
- 7.2 Bendera yang dinaikkan bagi menyambut lawatan rasmi Yang Dipertuan Agong, DYMM Raja Melayu, Perdana Menteri Malaysia, Ketua-ketua Negara dari Luar Negara dan lawatan rasmi DYMM Tuanku ke daerah hendaklah dinaikkan tujuh (7) hari sebelum dan diturunkan tujuh (7) hari selepas tamat lawatan rasmi.
- 7.3 Bendera-bendera sebagaimana di atas sahaja dibenarkan menghiasi laluan protokol tersebut. Sebarang bentuk iklan dan/atau kain rentang tidak dibenarkan dinaikkan sepanjang jalan tersebut. Kebersihan laluan utama ini hendaklah diberi keutamaan.

**8. PEMASANGAN BENDERA DAERAH DI KENDERAAN RASMI PEGAWAI-PEGAWAI DAERAH NEGERI JOHOR.**

- 8.1 Sebagaimana perkenan DYMM Tuanku semasa hari Pemahkotaan DYMM Tuanku, kenderaan rasmi Pegawai-pegawai Daerah Negeri Johor hendaklah dipasang bendera daerah masing-masing mengikut Hari Kebesaran Negeri Johor yang dibenarkan.
- 8.2 Berikut adalah Hari Kebesaran Negeri Johor, yang dibolehkan menggunakan Bendera Daerah dipasang di kenderaan rasmi Pegawai-pegawai Daerah Negeri Johor:-

Bil	Hari Kebesaran Negeri
8.2.1	Hari Ulang Tahun Keputeraan DYMM Sultan Johor pada 23 Mac setiap tahun.;
8.2.2	Hari Keberangkatan Rasmi DYMM Tuanku ke Daerah-daerah.;
8.2.3	Lain-lain Hari Kebesaran Yang Diperkenan oleh DYMM Tuanku.

- 8.3 Arah pandangan pengibaran bendera kecil daerah di kenderaan rasmi Pegawai Daerah adalah dari luar kenderaan dan memandang muka hadapan kenderaan.
- 8.4 Bendera kecil daerah diletakkan dibahagian hadapan kanan kereta iaitu dibelah pemandu kereta rasmi Pegawai Daerah.



## **9. PEMAKAIAN**

- 9.1 Dengan berkuatkuasa Pekeliling Am ini, Pekeliling Am Kerajaan Johor Bil. 2 Tahun 2013 “ Protokol Pengibaran Bendera ” adalah terbatas pemakaianya.
- 9.2 Pekeliling ini hendaklah diterima pemakaianya oleh semua Jabatan Negeri dan Persekutuan, Pihak Berkuasa Tempatan dan Badan-Badan Berkanun Negeri dan Persekutuan di Negeri Johor.

## **10. TARIKH KUATKUASA**

- 10.1 Pekeliling Am ini berkuatkuasa serta merta.

**BERKHIDMAT UNTUK NEGARA**



(DATO' HAJI ISMAIL BIN KARIM)  
Setiausaha Kerajaan Johor

2 Februari 2016